

From: UUM CORPORATE COMM.
Sent: Wednesday, June 12, 2019 2:29 PM
To: UUM - All Staff; UUM - All Students
Subject: Mahasiswa Dekati Warisan Budaya Masyarakat Baling



UUM Corporate Comm.
Universiti Utara Malaysia

12 JUN 2019 / 08 SYAWAL 1440H
=====

**"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)**

Oleh: Siti Fatimah Abdullah

MAHASISWA DEKATI WARISAN BUDAYA MASYARAKAT BALING



UUM ONLINE: Berkelah di sungai, membantu anak yatim, bergotong-royong dengan orang kampung pastinya menjadi kenangan manis buat mahasiswa UUM dalam *IBS Community Engagement & Islamic Finance Awareness* baru-baru ini.

Menurut Pengarah projek, Nur Alia Syafiq Nor Azman berkata, Daerah Baling merupakan daerah angkat IBS dalam usaha mengeratkan lagi hubungan antara masyarakat dengan UUM.

“Program ini memberi pendedahan kepada mahasiswa tentang kepentingan hidup bermasyarakat dan melihat bagaimana mereka dapat praktik segala ilmu yang dipelajari di kuliah dalam kehidupan sebenar.

“Pelajar menjadi penghubung antara UUM dan masyarakat bagi membuka pelbagai peluang untuk meningkatkan kemahiran insaniah pelajar yang dibekalkan dengan sifat kemanusiaan yang mulia apabila mereka melangkah keluar universiti kelak,” katanya.

Tambahnya, program tiga hari itu sarat dengan perbagai program kemasyarakatan dan ilmiah seperti forum perdana, aktiviti rekreasi, persembahan poster, pameran agensi kerajaan dan Bengkel Kesedaran Kewangan Islam kepada pelajar sekolah ini.

“Syukur alhamdulillah program ini berjaya dilaksanakan dengan kerjasama erat di antara universiti, sekolah, masyarakat setempat dan pihak parlimen.

“Kami membuat kutipan pakaian terpakai di UUM bagi mengadakan *free market* di Baling serta mengumpul dana dengan aktiviti jualan melalui kelas *service learning* dan setiap kumpulan perlu menjual sesuatu untuk membiayai program termasuk memberi sumbangan kewangan kepada dua rumah anak Yatim,” tambahnya.

Mengimbau pengalaman menarik ketika pertemuan bersama keluarga angkat, mahasiswa disambut mesra dan dilayan dengan baik.

“Kami menolong ibu memasak, bantu adik menyiapkan kerja sekolah, berpeluang belajar memetik buah, belajar bahasa yang digunakan oleh masyarakat Baling, mengenali pokok-pokok yang jarang ditemui daripada keluarga angkat.

“Bersama tujuh keluarga angkat kami berkelah di sungai dengan menyediakan masakan kampung yang unik dan jarang ditemui selain bermain permainan dulu-dulu seperti anak ayam dan musang dan tuju kasut,” kongsinya.

Tibanya hari terakhir, mahasiswa menitiskan air mata perpisahan dengan keluarga angkat yang melayani mereka dengan baik.

Sementara itu, Balqdi Marwa Salim Mohammed Awad teruja mengenali budaya dan adat masyarakat sekali gus mengeratkan hubungan dengan penduduk yang kaya dengan budi bahasa dan murah dengan senyuman.

Program kemasyarakatan ini turut memberi kesedaran mengenai kewangan dan perbankan Islam terhadap masyarakat menerusi pembentangan poster di samping menyelami kesusahan keluarga yang hidup serba kekurangan.

“Program ini telah mendidik saya agar lebih bersyukur dalam hidup ini, memupuk sifat kasih sayang dan prihatin dalam kalangan mahasiswa dan melihat kasih sayang yang telah lama terjalin dalam kalangan masyarakat.

“Selain dapat mengeratkan hubungan dan menyampaikan ilmu pengetahuan, kami juga dapat memahami dan melihat sendiri kehidupan masyarakat Baling yang diulit kemiskinan, semoga lebih ramai mahasiswa terlibat dengan program sebegini,” luahnya.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.